

世界之最內容

講者甲稱為波兒 講者乙稱為宗介

1. 世界上最高的人

宗介：波兒，波兒！你睇下姚明幾勁，輕輕一跳就入到樽了。

波兒：嘩，佢真係好高呀，我估佢實係全中國最高的人啫。

宗介：咁你就錯了，據我所知，全中國最高的人應該係身高 7 呎 9 吋的鮑喜順先生，足足高過姚明 4 吋

波兒：咩話！一“道”門只得 6 呎高，咁佢咪差唔多有成層樓咁高囉！?

宗介：但係佢都唔及現時健力士世界紀錄者斯塔德尼克咁高，呢位烏克蘭獸醫身高有成 8 呎 5 吋，“遞”高對手、跳都唔駛跳就可以入樽了。

2. 世界最大的三文治

波兒：哎呀！好肚餓呀！宗介哥哥請我吃野丫

宗介：咁呀，好呢…咁你想我請你食咩嘍丫

波兒：唔(一想)… 我要吃最大最大最大的三文治。

宗介：妳想吃最大的三文治？咁妳知唔知，佢有幾大呀！

波兒：波兒唔知呀！咁佢有幾大呀？

宗介：妳估吓

波兒：有無我張床咁大呢！如果有我就可以…系三文治上面一路吃一路睡 囉^o^

宗介：我想妳唔止可以一路吃一路睡，直頭可以在三文治上面一邊吃一邊游水都得。

因為佢有個小童游泳池咁大嫁，足足有 2 噸半咁重添！

波兒：咁我地仲唔快 d 去吃……嚟呢嚟呢波兒好肚餓呢！

宗介：傻波兒妳知唔知佢幾時做嫁。

波兒：唔知呀！佢幾時做嫁？

宗介：佢系在 2005 年美國製嫁。

波兒：咁 積系點呀！波兒唔明呀？

宗介：三文治一般的最佳食用日期係 3-4 天，而佢已經擺左咁多年，你話仲應唔應該食呀？

波兒：我梗係唔食啦，會肚痛架，咁不如你都係請我食普普通通的三文治算了。

3. 一小時內做到最多掌上壓世界記錄

宗介：31-----32-----33-----34

波兒：宗介哥哥你做緊 d 咩呀？

宗介：我系度打破緊世界記錄呀！...**35 36**

波兒：咩世界記錄呀？

宗介：掌上壓最多記錄囉，要做 1940 下丫……37—38

波兒：哦，係要係一小時內做 1940 下個個紀錄……

宗介：咩話，要係一小時內完成 !! 咁我都係挑戰第個世界記錄算了…

波兒：疑，你正話咪打破左世界記錄囉……

宗介: 咩丫?

波兒: 你啱啱打破左最快放棄挑戰一小時做 1940 下掌上壓的世界記錄

4. 世界最大的蘋果

波兒: 宗介哥哥, 你上次請我食健康三文治, 今日我請返你食另一種健康食品啦!

宗介: 咁好? 食咩呀?

波兒: 食生果啦! 生果最健康! 你鍾意食咩生果呀?

宗介: 我就最鍾意就係食蘋果, 開講都有話, 一日一蘋果, 醫生遠離我嘛

波兒: 好啦!小朋友你哋有冇日日食生果的習慣呀?

波兒: 宗介哥哥, 講起蘋果, 我知道日本有位農夫種出咗一個全世界最大的蘋果, 你估吓有幾大?

宗介: 蘋果可以長到幾大呀? 兩隻手咁大?

波兒: 唔只呀! 根據健力士世界記錄大全, 個蘋果足足有 4 磅咁重, 有嗰位農夫個頭咁大嫁!

宗介: 利害利害! 咁個蘋果咪夠好多人食!

波兒: 我估係啱, 咁宗介哥哥, 你想食個幾大嫁?

宗介: 唔洗我比錢, 梗係有幾大個就要幾大啦!

波兒: 吓~~~~~

宗介: 唔洗吓了, 仲唔去買!

5. 世界上最胖的人

波兒: 1234567 多勞多得, 2234567 多減兩分……………

宗介: 波兒, 你做緊咩呀?

波兒: 宗介哥哥, 又係你話我條腰再纖細 D 就會再靚 D, 我咪做多 D 運動囉!

宗介: 哦, 原來係咁!

波兒: 你都做多 D 運動啦! 肥到好似曼努埃爾咁就麻煩!

宗介: 曼努埃爾係邊個呀?

波兒: 佢係健力士世界記錄大全中全世界最肥的男人, 佢出生於墨西哥, 重 560 公斤

宗介: 嘩! 咁咪好似一部小型貨車咁重!!

波兒: 係呀, 佢重到行唔郁嫁! 不過佢上年減肥成功, 足足輕咗一半, 而家重 260 公斤

宗介: 好利害的意志力! 波兒你都要努力呀!

波兒: 係~~~~~